

«ОГЪЯ РОССИЯ»

# Кытын ужаськод - отын пуктйськы

Елена НИКИТИНА

**Кун Кенешысь «Огья Россия» фракцилэн кивалтйсьез Анатолий Наумов ивортйз партилэн туэ пычась проектёсыз сярысь.**

Таиз ар шаерамы тазалыкез утёнлы сйеземен бере, соос пöлысь уноез герзаськемын та удисэн. Кылсярысь, «Эскеры тазалыктэ» проект улсын калык пöлын валэктон уж нуыны чакламын - диспансеризация пыр орточоно, таза улонэн эшгьяськоно. Нош «Тазалыклэн армиез» проект ас котыраз люкалоз волонтерёсты - соос калыкез жуткалозы спортэн вырыны, мугорез кыдатонъя ужрадъёсы пырыськыны.

- Элькунлэн Төроез А. Бречалов кичöлтэмъя асьме парламентысь депутатъёс Кун Думае чектонэн потйзы вал, «Россиысь калыклэсь тазалыкэз утён сярысь» федерал законэ ватсангёс пыртыны курыса. Соос герзаськемын шугодем адымылы нырысетй юрттэт сётонэн - дефибриляторъёсты уже кутонэн, - веранзэ мытйз Анатолий Наумов. - Кун Думаысь депутатъёс чектонгёсмес нырысетй лыдзонэн эскеризы ни. Воштонгёсты юнматытозь, калык пöлын валэктон уж нуоно дефибриляторъёсты кутон ласянь. Та уж борды «Огья Россия» партилэн Удмурт ёзэз басытйськызы ни: туэ быдэсыськыны кутскиз «Дась лу юрттыны» проект. Со улсын матысь дыре дасямын но вöлмытэмын луозы нимысьтыз методичкаос, отын валэктэмын луоз, кызы та аппаратэн нырысетй



юрттэт сётоно. Элькунамы озыы ик пычалоз экологи-лы сйезем «Экобаттл» проект. Таизъя покчи пиналгёс, арлыдоос пöлын инкуазез утён ласянь валэктон уж нуиськоз. Матысь дыре озыы ик пычаны кутскозы «Таза улонъя онлайн карта» но «Сюлмаськытйсь учыргёсыя онлайн карта» проектгёс. Нырысетйез пыр калык тодыны быгатоз, кытын мугорез кыдатыны луоз, дун тырытэк. Нош кыкетйез проект шараяны юрттоз кудзйтысь юнгёсыя, тамак кысконъя куронгёсты тйян учыргёсты. Котькуд адымы та онлайн карта пыр жожтйськонгёсэс келяны быгатоз. Со сяна, улонэ пыча «Кузьма библиотекалы книга» кичöлтон. Кун Кенешысь уноез депутатъёс асьсэ округёсысьтызы библиотекаоссыз кытэмын узырмытон борды басытйськызы ни, - шуиз со.

Кемалась ик öвöл «Огья Россия» фракциысь депу-

татгёс ортчизы элькунысьтымы ёросгёстй, калыкен кенешизы. А. Наумов пусьемъя, шаерамы улйсьёсты тужгес но сюлмаськыто улон интыен, музгемез уже кутонэн герзаськем ужпумгёс.

Озыы ик уно юангёс вую «Гуртысь эмчи» проект пумысен. Со пыча ни көня ке аргёс чөже, но пайдаез роспрос уг шöдйськы. Егит специалистгёс гуртэ огдырлы ужаны интыясько но, уксё басытыса, палэнын улон инты басыто. Проект нёмыз понна гинэ медам пыча - егит эмгьясьсёс азе чурит курон пуктоно: висьям уксёен улон сэрэг басытыны мед быгатозы со интыын гинэ, кытчы ужаны лыктйзы, - шуиз А. Наумов.

Калыклэсь уно вазысконгёс вую улон юртгёс бордын усгём рюмочнойёс пумысен. Отын кудзйтысь юон удо уен-нуналэн. А. Наумов пусьемъя, Кун Кенешысь депутатгёс та ужпумез серт-

**Кылем шутэтскон нуналгёсы Ижын «Огья Россия» партилэн праймеризэз ортчиз.**

тон борды басытйськызы ни. Кун Думае эскерыны ыстэмын федерал законлэн проектэз. Соя асьме депутатгёс куро улосгёслэсь полномочиоссыз паськытатыны: кудзйтысь юнгёсын вуз карисьсё понна куронгёсты чурьтатыны луонлык сётыны.

«Огья Россия» партилэн Удмурт ёзэз кичöлтэмъя кылем шутэтскон нуналгёсы Ижын ортчиз партилэн праймеризэз. Одйг мандатгем 7 номеро Центральной но 12 номеро Молодёжной округёсын трос куара люказы «Калашников» концернлэн кивалтйсьез Дмитрий Тарасов но электро-механикая «Купол» заводлэн кивалтйсьезлэн юртгйсьез Алексей Перминов. Табере соос пырыськозы огъя куара сётон нуналэ - 8-тй сентябре - Кун Кенеше ватсаса быргёнгёсы. \*\*\*

ЛДПР

## Ужбергатйсьёслы юрттоно

Елена САРАМАТОВА

**Кун Кенешысь ЛДПР фракциысь депутатгёс бырйисьёсынызы мыло-кыдо ужало. Туэ соос доры 100-лэсь ятыр вазыскон вуиз ни.**

Фракцилэн кивалтйсьез Тимур Ягафаров пусьемъя, адымиос партилэн приёмнойёсез пöртэм мугёсын лыкто. Кин ке пиналзэ нылши садэ сётыны уг быгаты, кинэ ке шуггьяськыто юридической юангёс, кинлы ке коммунальной услугаосын герзаськем ужпумгёсыя визь-кенеш кулэ, кин ке уксёен юрттэт возьма. Депутатгёс вань юангёсты котыр ласянь эскеро,

быгатэмзыя калыклы юрто. Калыклэсь куронгёсэ санэ басытытэк, ужаны но кызы но уг луы - соос милемлы оско, шуэ Тимур Ягафаров. Бырйисьёслэсь наказгёсэс быдэстыны азьвыл котькуд депутатлы бюджетысь 1 миллион манет висгьяськылйз. Табере сое сётэмысь дугдйзы. Озыы ке но ЛДПР фракциысь депутатгёс огкылз визы: соцобъектёсты вильдонэз вунэтоно öвöл. Таин валче дышетонъя организациослэсь липетгёсэс, укнооссыз тупатгяны луонлыкгёс шедьто. Али, кылсярысь, Ижысь Ленин ёросысь Московской улгьясь транспорт дугдылон

интыез вильдонэн выро - жожтйськысьсёс лачак люкаськызы угось.

Фракция нуналлы быдэ калыкен виль ужан амалгёс но угча. Кылсярысь, Виль ар азын шаерысьтымы трос нылпйё но начар улйсь семьяослы 2 сюрс ческыт кузым лэсьтйз. Тимур Ягафаров пусьемъя, тагёе акциез азинтыны малпало - со адымиослэсь но, депутатгёслэсь но мылкыдзэс жутэ. Таин валче котькуд праздниклы калыклы жечкылан открыткаос но лэзяны кутскизы.

Али фракция гуртгёсын улонэз умоятонъя проект гожтон бордын выре. Тимур Ягафаров пусьемъя, валтйсь ужпумгёс пöлын

луыны кулэ на спортэз азинтон но сөсыргёслы тазалыксэс юнматыны юртгон. Озыы ик депутат лыдгья, пичи бизнесэз азинтон бордын рос-прос ужаны кулэ шуыса.

- Адымиослы ужзэс усгтыны юртгон, льготаос сярысь ивортон, ужаны дышетон - со туалал улонлэн куронгёсыз, - шуэ Тимур Ягафаров. - Ачим мон шаерысьтымы предпринимательёслэсь ужзэс азинтонъя ужась группае быргёмын. Депутатгёс но, ведомствоосысь специалистгёс но шаерысьтымы ужбергатонэз азинтонъя ужпумгёс бордын ужаны кулэ. Соку азылань вამыштыны быгатомы. \*\*\*

БИБЛИОТЕКАОСЛЭН  
НУНАЛЗЫ

## Книга утисьёс но лыдзисьёс

Сергей ЗАХАРОВ

**27-тй кварталэзе, Россиысь Библиотекаослэн нуналазы, Удмуртиысь Кун Кенешын жечкылазы библиотекарьёсты но элькунамы лыдзиськонлэсь данзэ жутйсь мукет муртёсты.**

Библиотекарьёслы вазыськызы Кун Кенешысь ялан ужась комиссиослэн кивалтйсьёссы Татьяна Ишматова, Елена Дербилова но культура министр Владимир Соловьёв.

Арлы быдэ та нунал Удмуртиысь устооссэ библиотекарьёсты кун дангёстёсын пусгёе. Туэ но бадзым ужез мыллысь-кыдысь быдэстйсьсёс, книгаез утисьёс но вöлмытйсьсёс дангьямын вал.

Со сяна, Удмуртиысь Кивалтгётлэн З. Богомоллова нимо премиезлэсь лауреатгёсэс жечкылазы. Туэ премиен пусгёмын Ярысь библиотекаос Флор Васильевлы сйезем «Звени над Яром, песня Флора!» бадзым литературной марфонзы понна. Озыы ик премиез басытйз Нылпиослэн но быдэ вуымтгёослэн элькун библиотеказы. Таяз арын солы 100 ар тырмиз, чäпак котырес лыдпусэзлы сйезем ужрадгёсыз понна премиен пусгёмын. Кун Кенеше ужрадэ вуэмгёс тодматскизы «Гайдаровкалэн» историезлы сйезем адзйтонэн. 1946-тй-1992-тй аргёсы лыдзиськон юрт Аркадий Гайдар писательлэсь нимзэ нуллйз, соин али но библиотекаез тросэз «Гайдаровка» гинэ шуо.

Национальной библиотека котькуд ар тау каре библиотекаослэн юртгйсьёссылы. 2019-тй арын «Даритель года» нимез басытйзы, кылсярысь, «Удмуртия» издательстволэн директорез Юрий Кузнецов но Россиысь Кун Думалэн депутатэз Валерий Бузилов.

Лыдзисьсёстэк библиотекаос өз луысалзы. Соин та нуналэ пусйизы книга лыдзйны яратйсьсёсты но. «Удмуртиысь Национальной библиотекалэн дано лыдзисез» ним басытйзы шаерчи Сергей Селивановский но Удмуртиысь сукурёслэн огазеясконзылэн кивалтйсьез Василий Клинин.

Национальной библиотекалэн директорез Татьяна Тензина П. Чайковскийлы сйезем литературной фестивалылы йылпумгьянгёс лэсьтйз - со шаерамы 23-тй-28-тй кварталэзе ортчиз. \*\*\*